

Imbabura - Espíritu Macanaju Dios Escribichishca - SW Intro Scriptures

Lucas 17:5 Villachun Apunchi Jesús agllashcacunami: —Ashtahuan ali crina ushaita carahuai— ninajurca.

Romanos 10:17 Shina cashcamandami, Diospaj Shimita villajujta uyanajun. Villajujta uyashpallami crinajun.

Lucas 11:1 Jesusca, shuj pambapi Diosta mañajupimi, cashna tucurca: Jesús mañaita tucuchishca jipami, paipaj yachajuj puramanda shujca cashna nirca: —Bautizaj Juanbash, paipaj yachajujcunataca, Diosta mañachun yachachinmi carca. Shinallata ñucanchitapash, Diosta imashna mañanata yachachihuai, Apunchi Jesús— nircami.

1 Timoteo 2:1-4 Tucuimanda yalica, caitami aliguta yarichini: Tucui gentecunamanda ninanda mañachun, Diosta mañachun, pashi nichun, ayudapai nishpa mañachunmi yarichini. 2 Jatun mandajcunamanda, shuj mandajcunamandapash, tucuicunamanda Diosta mañachunmi yarichini. Shina mañashpami, casilla aliguta, chulunlla causashpa, Diosta yarishpa, tucui aliguta causai ushashunchi. 3 Shina mañanaca alipachami. Shina mañachunmi, ñucanchita Quishpichij Taita Diospash munan. 4 Paica, tucuicuna quishpirichunmi munan. Paimanda na llullashpa villajuj Shimitapash yachachunmi munan.

Zacarías 3:1,2 Curacunata mandaj Josuetami ricuchihuarca. Paica, Mandaj Diospaj angelpaj ñaupajpimi shayajurca. Josuepaj ali ladopica, Satanasmí paita juchachingapaj shayajurca. 2 Mandaj Diosca, Satanastaca cashnami nirca: “Satanaslla, candaca Mandaj Diosllata jarcashpa rimachun. Candaca, Jerusalenda agllaj Mandaj Diosllata jarcashpa rimachun. ¿Nachu caica, rupajuj ninamanda llujchishca yamda caspishna?” nircami.

Efesios 6:12 Ñucanchi macanajuica, yahuarta, aichata charij runacunahuanga na canllu. Ashtahuangarin mandaj ayacunahuan, ninan ushaita charij ayacunahuanmi macanajunchi. Cai pachapi yana yana tutapishna causajcunata mandaj ayacunahuan, jahua huairapi mandaj, nalita rurachij, ushaita charij ayacunahuanmi macanajunchi.

Efesios 6:10,11 Cunanga, ñuca juyashca huauquicuna, panicuna, Apunchi Jesushuanmi shinllipacha tucuna canguichi. Paipaj ushahuanmi, shinlli tucuna canguichi. 11 Taita Dios cushca, macanajungapaj tucui churajunacunata churajuichi. Diablo urmachingapaj, pacalla chapajujta shinlli shayarishpa mishangapajmi, chashna churajuna canguichi.

Efesios 6:13-17 Shinamandami macanajungapaj, Taita Dios caramujuj tucui churajunacunata japina canguichi. Nali punllacuna chayamujpi, shinlli tucushpa macanajungapajmi, shina japina canguichi. Shina macanajushpa

tucuita mishashpami, shinllipacha shayaringuichi. 14 Na llullashpa villajuj Shimihuanga, cinturasta alipacha chumbilishcashnami shayarina canguichi. Imatapash cashcatapacha ruranahuanga, jirru churajunata churajunshnami shayarina canguichi. 15 Casilla ali causaita yachachij, ali villaita villajungapaca, botasta churajunshnami alichirishcalla causana canguichi. 16 Tucui manda yalica, alipacha crinatami jarcarina escudotashna japina canguichi. Chaihuanmi, nalicunata yarichij diablo flecha pundapi ninata japichishpa shitamushcataca huañuchi ushanguichi. 17 Ima nalimandapash quishpichijutaca, umapi churajuna jirutashna japinguichi. Diospaj Espiritu caramushca Diospaj Shimitapash, espadatashnami japina canguichi.

Hebreos 4:12 Taita Diospaj Shimica causaj cashpami, ninan ushaita charin.

Ishcandi ladoman filo filo tucui espadatapash yali cuchui ushaj cashpami almata, espirituta, mucucunata, ñutujutapash chaupirijta tujsinshna yarichijun.

Shinallata yuyaicunatapash, shungu imata yarijuptapash, tucuitami rijsichijun.

Lucas 4:8 Shina nijpimi Jesusca, cashna nishpa tigrachirca: —Satanás, ñuca ñaupajmanda anchuri. Escribishcapica cashnami nijun: ‘Canda Mandaj Taita Diostalla cungurishpa mañangui. Paitalla servishpa causangui’ nijunmi— nircami.

Efesios 6:18 Shinallata Diosta mañanataca, na samashpa tucui ninanda mañashpami, Diospaj Espirituhuan causashpa mañajunalla canguichi.

Cungaitapash na cungashpami, Diospajlla causajcunamandapash, tucucunamanda Diosta mañana canguichi.

1 Samuel 17:45-47 Shina nijpimi Davidca, chai filisteotaca cashna nijurca: —Canga, espadahuan, uchilla lanzahuambash, jatun lanzacunahuambashmi, ñucapajman shamungui. Ashtahuangarin ñucaca, tucuita Mandaj Diospaj shutipimi cambajman shamuni. Israel soldadocunapaj Taita Diostami canga, rimashpa fiñachircangui. 46 Cunanga, Mandaj Diosmi candaca ñuca maquipi churanga. Chaimandami candaca ñuca mishashpa, cambaj umata fitisha. Shinallata cunanga, filisteo soldadocunatapash huañuchishpami, jahuata rij alasyu animalcunaman, sachapi causaj animalcunaman carasha. Chashna rurajpimi, tucui cai pachapi causajcunaca, israelcunapaj Taita Dios tiajtaca yachanga. 47 Shinallata Mandaj Diosca, na espadahuan, na lanzahuan quishpichij cajtami, tucui caipi tandanajushcacunaca yachanga. Cai jatun macanajuica, Mandaj Diospajmi. Paimi, cangunataca ñucanchi maquipi churanga— nijurcami.

Lucas 10:17-20 Chai canchis chungu villajcunaca, ninanda cushijushpa Jesuspajman tigramushpami: —Cambaj shutipi ñucanchi rimajpica, ayacunapash cazushpa gentecunamanda llujshircallami— ninajurca. 18 Shina nijpimi Jesusca, paicunata cashna nirca: —Satanastaca, jahua pachamanda, punchapamba shitamunshna urmajtami ricurcani. 19 Cangunamanmi, culebracunata, alacrangunata sarushpa, cangunata na

ricunayachijpaj ushaita mishachumbash, ushaita cararcani. Chaicunaca, cangunata imata ruraitapash na ushangachu. 20 Cangunaca, ayacunata cazuchishpa llujchishpalla, na cushijunachu canguichi. Ashtahuangarin cangunapaj shuticuna, jahua pachapi escribishca tiajujimi, cushijuna canguichi— nijurcami.

2 Corintios 10:3-5 Cai pachapi causashpapash, na cai pachapajchu macanajushpa causanchi. 4 Ñucanchi macanajunacunaca, na cai pachapaj rurashcachu. Ashtahuangarin Taita Dios caramushca ushahuanmi, shinllipacha shayanajuj patacunataشنا tucuchinchi. 5 Taita Diosta ama rijsichunmi, ninanda jariyashpa nali yuyaicunata cushpa jarcariajun. Paicuna tucui imata yarinajutapash, Cristo prezu apanshna cazuchishpa charichunmi, paiman cushpa saquinchi.

2 Timoteo 1:7 Taita Diosca paipaj Espiritutaca, manllashpa causachunga na carashcachu. Ashtahuangarin ushaita charishpa, juyaita charishpa, nali munaicunatapash mishashpa causachunmi cararca.

Mateo 12:28,29 Ashtahuangarin Taita Diospaj Espiritupaj ushahuan ayacunata ñuca llujchijushpaca, Taita Diospacha mandajujpi causana ña chayamushcatami ricuchijuni. 29 Shuj ninan shinlli runapaj huasiman shuhuangapaj yaicushpa, chai runata nara huatashpaca, ¿imashnata shuhuaita ushangayari? Paita huatashpallami, imata charishcatapash shuhuai ushanga.

Efesios 1:13 Quishpirinamanda ali villaita villajuj, na llullaj Shimitaca cangunapash uyashpami, Cristotaca circanguichi. Shina crijpimi, carashapachami nishca paipaj jucha illaj Espirituhuan sellai tucushca canchi.

Hechos 19:6 Pablo paicunapaj uma jahuapi maquita churashpa Diosta mañajpimi, Diospaj jucha illaj Espirituca paicunapajman shamurca. Shinamandami, shuj shuj rimaicunapi rimashpa, Dios ima nishcataca villanajurca.

Marcos 16:15-18 Shinallata paicunataca, cashnatapashmi nijurca: “Richi, tucui cai pachapi causajcunaman cai ali villaita villagrichi. 16 Canguna villajpi crishpa bautizai tucushpaca, quishpichi tucungami. Ashtahuangarin na crishpaca, ninanda llaquichi tucungapachami. 17 Ñucata crijcunataca, imatapash juyallata rurashpa ricuchishcacunaca, paicunahuanmi puringa: Ñuca shutipi rimashpami, ayacunataca gentecunamanda llujchinajunga. Shinallata mushuj rimaicunatami rimanajunga. 18 Culebracunata maquihuan japishpapash, na imapash tucungachu. Venenota ufiashpapash, na imapash tucungachu. Huañujucunapaj jahuapi maquita churajpipash, ali tucunajungami” nijurcami.

1 Juan 1:9 Ñucanchipaj juchacunata Taita Diosman villajpica, paimi imatapash cashcatapacha rurashpa pactachijlla cashpa, ñucanchipaj juchacunataca anchuchinga. Shinallata ñucanchi imata nalita rurashcatapash, tucuillatami

maillanga.

- Éxodo 20:5 Chaicunataca ama cunguringuichu, alicachitallapash ama alicachinguichu. Ñucami, canda Mandaj Taita Dios cani. Ñucaca, ninan ushaita charij, ñucapajlla cachun munaj Diosmi cani. Ñucata millanayachij, nalita ruraj taitacunapaj huahuacunata ricungapaj shamushpa, quimsa miraicunacaman, chuscu miraicunacamambash llaquichij Diosmi cani.
- Salmos 109:17 Pitapash llaqui japichun munashpallami purirca. Chai llaquica, paipaj jahuapillatami shamurca. Bendiciachunga na munarcachu. Chaimandami bendiciai tucunaca, paimandapash anchurirca.
- Jueces 16:16 Villahuai nishpa, punllandi chai huarmi fiñachijupillatami, cashna tucurca: Sansón runaca, paipaj tucui almahuanmi huañungashna ninanda llaquirijurca.
- Efesios 4:26 Fiñarishpapash, juchataca na ruranachu canguichi. Na tucui punlla fiñarishcalla chishanachu canguichi.
- Romanos 14:12 Shinamandami ñucanchica, tucuicuna imata rurashcata quiquinllata Taita Diosman ricuchigrinata charinchi.
- 1 Juan 2:23 Maijambash: “Jesusca, na Diospaj Churichu” nishpa nalicachishpaca Taita Diostaca, na shungupi charinllu. “Jesusca, Diospaj Churimi” nijushpaca, Taitatapashmi shungupi charin.
- Juan 14:6 Shina nijpimi Jesusca, cashna nijurca: —Ñucallami ñan cani. Na llullashpa villachijpash, causaita causagrinata carajpashmi cani. Ñuca Taitapajman ñuca na pushajpica, pipash na paillata chayaita ushanllu.
- Mateo 11:28-30 Imatapash rurashpa shaijushcashna, aparishcashna causajcuna, ñucapajman tucuilla shamuichi. Ñucami cangunataca samachisha. 29 Ñuca yachachishcataca, yugota aparinshna yachajuichi. Ñucallami, na ñapash fiñarij, jariyanata na yarij shunguta charini. Ñucamandami cangunapaj almaca, samanata taringa. 30 Ñucapaj yugoca fangallagumi, aparijpipash na llashachingachu” nijurcami.
- 2 Corintios 6:2 Paica cashnami nijun: “Chasquina punllacunapimi, candaca uyajurcani. Quishpichina punllapica, candaca quishpichircanimi” nijunmi. Ricuichi, cunanmi chasquina punllacuna chayamushca. Ricuichi, cunanllatami quishpirina punllapash chayamushca.
- Romanos 10:13 “Shina cashcamandami, maijan cashpapash Jatun Diospaj shutipi mañashpaca quishpiringa”.

Pastor T. John Franklin
Church of Salvation, Healing, and Deliverance
COS-HAD.org